

HELAIAN PENDEDAHAN PRODUK

Anda diingatkan untuk membaca helaian pendedahan produk ini sebelum anda membuat keputusan untuk memilih Resit Amanah. Sila pastikan anda juga membaca terma dan syarat muktamad di dalam Surat Tawaran (“LO”) dan Perjanjian Kemudahan. Anda dengan ini diingatkan supaya sentiasa mencari dan mendapatkan nasihat undang-undang bebas anda sendiri. Sila dapatkan penjelasan daripada wakil sah AmBank (M) Berhad (“Bank”) sekiranya anda tidak memahami mana-mana bahagian dokumen ini atau terma umum yang dinyatakan di sini.

AmBank (M) Berhad

Resit Amanah

Tarikh: 30 November 2023

1. Apakah yang perlu saya ketahui tentang produk ini?

Resit Amanah (“TR”) ialah satu bentuk bayaran pendahuluan yang disediakan oleh Bank untuk membiayai pembelian barang oleh Pembeli (“Pelanggan”). Bank membuat bayaran kepada Penjual bagi pihak Pelanggan dan membenarkan Pelanggan memiliki barang serta bertindak sebagai pemegang amanah kepada Bank untuk memegang dan menjual barang dengan pelaksanaan Perjanjian TR.

Bank memberikan tempoh kredit kepada Pelanggan untuk membolehkan Pelanggan mengurus barang bagi menjana hasil untuk membayar balik Bank.

2. Apakah yang boleh saya peroleh dari produk ini?

- Tertakluk kepada terma kemudahan TR menurut LO yang dikeluarkan oleh Bank kepada anda, anda akan menerima pembiayaan TR yang: -
 - a. tertakluk pada had kemudahan TR;
 - b. bertujuan untuk membiayai import/pembelian tempatan barang yang berkaitan dengan perniagaan anda di bawah Surat Kredit (“LC”) Bank, Kutipan atau Akaun Terbuka;
 - c. didenominasi dalam Ringgit Malaysia (“RM”) sahaja;
 - d. 100% pembiayaan nilai invois;
 - e. tidak mempunyai amaun dan tempoh pembiayaan minimum;
 - f. untuk tempoh sehingga suatu tempoh yang diluluskan; dan
 - g. pada faedah berdasarkan Kadar Pinjaman Asas (“BLR”) yang dihitung pada kiraan atas baki harian dan asas akruan.

3. Apakah peranan dan kewajipan saya?

- Memohon kemudahan TR dan pastikan kemudahan adalah tersedia dan cukup untuk pengeluaran pinjaman.
- Memastikan bahawa dokumen sokongan untuk pembiayaan TR adalah berkaitan dengan sifat perniagaan anda dan terdapat pemindahan barang yang sebenar.
- Memastikan tiada kaedah pembiayaan lain yang diperoleh untuk transaksi yang sama.
- Apabila TR dilaksanakan, anda: -
 - a. mengakui penerimaan dan menyimpan dokumen hak milik bagi barang di bawah lien kepada Bank;
 - b. menyimpan barang sebagai pemegang amanah untuk Bank;
 - c. berjanji untuk membayar hasil kutipan daripada penjualan barang kepada Bank;
 - d. berjanji untuk menyimpan barang di gudang dan menginsuranskan barang atas nama Bank;
 - e. berjanji untuk tidak menjadikan barang tertakluk kepada apa-apa lien/bebanan kepada mana-mana pihak ketiga;
 - f. memberikan kuasa kepada Bank untuk mendapatkan hasil penjualan daripada pihak ketiga; dan
 - g. berjanji untuk memastikan transaksi berasingan daripada semua transaksi yang lain.

- Memastikan dana akaun anda mencukupi dan memberi kebenaran kepada Bank untuk mendebit akaun anda di Bank untuk sebarang caj, komisen, yuran dan/atau belanja tunai langsung Bank berhubung dengan pembiayaan TR, termasuklah pembayaran balik pada tarikh matang.

4. Apakah harga, yuran dan caj yang dikenakan?

No.	Yuran dan Caj	Tarif
1	Berbilang bayaran (3 bayaran ke atas)	RM50 sahaja
2	Bayaran pemindahan (IBG/RENTAS)	RM2 sahaja
3	Bayaran Pos	Dalam Malaysia: RM5 Di Luar Malaysia: RM20
4	Perkhidmatan Kurier	Dalam Malaysia: RM15 Di Luar Malaysia: Tertakluk pada destinasi
5	Caj Tertunggak	RM50 untuk setiap transaksi

Harga, yuran atau caj yang dinyatakan adalah tidak termasuk mana-mana cukai kerajaan yang mungkin dikenakan oleh Kerajaan Malaysia pada masa sekarang mahupun pada masa akan datang. Sekiranya kerajaan mengenakan apa-apa cukai ke atas yuran atau caj disebabkan oleh pindaan undang-undang atau apa-apa faktor yang lain, Bank berhak mengubah atau menyemak semula jumlah wang yang perlu dibayar.

5. Bagaimakah jika saya gagal melaksanakan tanggungjawab saya?

- Jika pembiayaan TR tidak dilunaskan sepenuhnya pada tarikh matang, baki pembiayaan akan diklasifikasikan sebagai tertunggak dan tertakluk kepada Faedah Mungkir menurut LO.
- Sekiranya akaun TR anda masih tertunggak selepas 3 bulan, status kemudahan-kemudahan kredit anda di Bank akan dikategorikan sebagai pinjaman tak berbayar.
- Bank akan menggantung penggunaan apa-apa kemudahan kredit yang diberikan kepada anda.
- Bank boleh menggunakan haknya dan mulakan proses pemungutan/tindakan undang-undang yang merangkumi, tetapi tidak terhad kepada, prosiding kemuflian/penggulungan (jika jumlah tertunggak mencapai had tertentu). Aset anda mungkin dibekukan dan disita sekiranya diisyiharkan muflis/dikenakan penggulungan.
- Tindakan undang-undang ke atas anda juga mungkin menjelaskan taraf kredit anda yang menyebabkan pinjaman kredit anda lebih sukar atau mahal.
- Hak tolak selesai: Bank berhak untuk menggunakan mana-mana baki kredit dalam akaun anda di Bank untuk melunaskan jumlah tunggakan mana-mana kemudahan di Bank. Walau bagaimanapun, jumlah tolak selesai akan diberitahu kepada anda sebelum dilaksanakan.

6. Bagaimakah jika saya berjaya melunaskan pembiayaan sebelum tempoh matang?

- Faedah akan terakru sehingga tarikh pembayaran penuh dilunaskan.

7. Adakah saya memerlukan perlindungan insurans?

- Ya, untuk menginsuranskan barang yang berada dalam pemilikan anda daripada kebakaran dan semua risiko lain.

8. Apakah risiko utama?

Memandangkan pembiayaan TR adalah dalam denominasi RM, anda mungkin terdedah kepada risiko naik turun pertukaran asing sekiranya invois yang anda biayai di bawah TR menggunakan mata wang asing ("FCY").

9. Adakah saya memerlukan penjamin atau cagaran?

- Penjamin harus disediakan sekiranya perlu.
- Cagaran harus disediakan sekiranya perlu dan mesti dapat diterima oleh Bank.

Nota: Syarat di atas adalah bergantung pada kebolehpercayaan kredit anda.

10. Apakah yang perlu saya lakukan sekiranya terdapat perubahan pada maklumat untuk menghubungi saya?

Adalah penting untuk anda memaklumkan kepada Bank tentang sebarang perubahan maklumat hubungan anda bagi memastikan semua surat-menyurat sampai kepada anda tepat pada masanya. Untuk bantuan, anda boleh menghubungi/memberi makluman secara bertulis kepada Pengurus Perhubungan masing-masing.

11. Di manakah tempat untuk mendapatkan bantuan dan pembelaan?

- Jika anda bercadang untuk membuat aduan mengenai produk atau perkhidmatan yang disediakan oleh kami, anda boleh menghubungi kami melalui:

AmBank Contact Centre
No. Kotak Pejabat Pos 12617, 50784 Kuala Lumpur,
Tel.: (603) 2178 8888
E-mel: customercare@ambankgroup.com

- Sekiranya anda tidak berpuas hati terhadap penyelesaian ke atas pertanyaan atau aduan anda, anda boleh menghubungi Bank Negara Malaysia LINK melalui:

Blok D, Bank Negara Malaysia,
Jalan Dato' Onn,
50450 Kuala Lumpur.
Tel.: 1-300-88-5465
Faks: 03-2174 1515
Laman web: bnmlink.bnm.gov.my

- Sebagai alternatif, anda boleh mendapatkan perkhidmatan Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia bagi menyediakan perkhidmatan pengurusan wang, kaunseling kredit, pendidikan kewangan dan penstrukturran semula pembiayaan secara percuma kepada individu. Anda boleh menghubungi AKPK melalui:

Level 5 & 6,
Menara Aras Raya
(Formerly known as Menara Bumiputra Commerce)
Jalan Raja Laut, 50350 Kuala Lumpur
Tel.: 03-2616 7766
E-mel: enquiry@akpk.org.my

12. Di manakah saya boleh mendapatkan maklumat lanjut?

Untuk butiran tentang manfaat, yuran dan caj produk, anda boleh melayari www.ambankgroup.com.

13. Lain-lain produk perdagangan yang disediakan: -

- Jaminan Bank
- Jaminan Bank Atas Kaunter
- Penerimaan Jurubank
- Pembelian Bil Keluar Langsung
- Kutipan/Pembelian/Rundingan Berdokumen
- Pembiayaan Semula Kredit Eksport
- Pembiayaan Invois
- Pinjaman Perdagangan Mata Wang Asing
- Pendahuluan Kredit Pembungkusan
- Surat Kredit
- Jaminan Perkapalan
- Surat Kredit Tunggu Sedia

PENTING! CAGARAN ANDA MUNGKIN AKAN DICAIRKAN SEKIRANYA JADUAL PEMBAYARAN TIDAK DIPATUHI

Maklumat yang disediakan dalam helaian pendedahan produk ini adalah sah dari 30 November 2023 sehingga kemas kini yang seterusnya. Sila layari www.ambankgroup.com untuk mendapatkan maklumat terkini.

Semua kiraan dan kadar di atas adalah untuk tujuan ilustrasi sahaja. Tertakluk pada terma dan syarat.

Penafian: Kemudahan sebenar yang akan disediakan oleh Bank adalah bergantung pada penilaian kredit anda yang dilakukan oleh Bank. Penghantaran helaian pendedahan produk ini kepada anda tidak mewujudkan apa-apa kewajipan oleh Bank untuk memberi anda apa-apa kemudahan.

Saya/ Kami mengakui bahawa terma kontrak utama dan kewajipan kewangan saya/kami di bawah produk kewangan ini telah dijelaskan dengan secukupnya kepada saya/kami oleh wakil sah daripada AmBank (M) Berhad.

.....

Nama:

Nombor KP:

Tarikh:

Atau

Untuk dan bagi pihak

No. Pendaftaran:

.....

(Penandatangan dibenarkan/Pengarah)

Tarikh: